

# 益政摘要

光緒壬午津河  
廣仁堂校  
雲孫鍾豫署檢

盡已篇

臨民篇

事上篇

僚采篇

御吏篇

聽訟篇

治獄篇

儲料篇

益政摘要 目錄

廣仁堂

理財篇  
差役篇  
賑恤篇  
用刑篇  
期限篇  
勢利篇  
違姦篇  
官箴  
循良賦  
卓異賦

卷下

政績

治人治法

御吏

保甲

根基

立法治信

防奸謹始

變化氣質

知鑒

憲政摘要

目錄

二

廣仁堂

憲政摘要

目錄

三

廣仁堂

恤隱

獄訟

知人

治河要略序

察姦

平心

虛心曲辨

人命

居官第一須知

平心息氣

出入准法

恕不遷

聽訟

憲政摘要

目錄

一

廣仁堂

憲政摘要卷上

當湖陸陳其稼書輯

宋台郡胡大初原本

憲已篇第一

憲官之要曰廉與勤不特縣令應爾也然縣令視民最親故廉勤一毫或虧其害於政也甚烈且人孰不知廉吾分內事也物交熟迫浸不自由素貧賤者有妻子啼號之擾素富貴者有口體豢養之需喜聲譽則飾廚傳以娛賓務結托則厚苟直以通好及其甚者婚男嫁女橐筈匱金皆此焉是資雖欲廉得乎會黷亡耻之人固不暇恤稍有畏薄議者亦不過

憲政摘要

卷上

廣仁堂

曰吾上不竊取於公帑下不妄取於民間足矣收買飲食素有官價吾行之奚愧供需賔客例敷吏貼吾猶之奚怍不知以官價買民物民貧其何以堪而責吏供需他日吏以而法受賂收令責之得無愧辭乎故其要莫若禁儉苟能儉則買物不必仗官價以求多也禁貿不必科吏財以取樂也苟直不必講屬傳不必豐也憲官之日無異處家之時而用官之財不啻如用己之財斯可矣又孰不知勤吾職分之當然也聰明有限事幾無窮竭一人之精神以興衆人之姦詭已非易事况有愚暗無庸者一切聽可否於吏手苟且取具著率多黜智能於不用甚則銜杯嗜酒吹竹彈絲圖享官遊之樂

遂致獄訟經年而不決是非易位而不知詞訟愈多事機愈

夥卒不免於上官之見詰其有銳意自強者幾人哉且酬應日繁心力日耗方虞稅駕扈之無所幸吏牘已備僚首涉筆終亦歸於苟道而已故其要莫若清心心既清則無鳴聽政所謂一日之事在寅也家務盡屏所謂公爾忘私也勿以酒色自困勿以荒樂自戕也今日有某事當決某牒當報某賦役當辦禁繫某人當釋時時察之汲汲行之毋謂姑俟來日則事無不理而此心亦甯此廉勤之大畧也要之心不可不平平心則物情無往不燭怒不可或遷遷怒則吏民將受其枉其令必節其政必和非時營繕所當力懲託辭科輸所

憲政摘要

卷上

廣仁堂

當病革子弟門客勿令與外人東輩交接或恐有往來結托之嫌則禍起蕭牆若何拯救吏民婦女勿令其出入織紝賣易恐有交通關節之譖則事干閨闥未易施行勿帶醫術或有干請難以相從勿置親隨處之内外皆所不便在己者既已曲盡則何施不可何事不公奚盤根錯節之足慮哉

臨民篇第二

爲民父母以慈愛爲重以明斷爲軌而行之以公恕斯得矣今爲令者知有財賦耳簿書期會耳獄訟一事已不遑盡心撫字三平哉教化云乎哉昔陽城自署已催科政拙撫字心勞考下下令誰肯甘心下考而爲竭撫字之誠者不知九重

以赤子授之固望其字我民也而可孤所寄乎故視事之初先務有四曰崇學校士者民之望也鄉校者議政之地也奠謁之餘延見衿佩假以辭色將以禮意諭風俗之利病咨政事之得失課試必謹屢篤必隆其端厚俊秀者獎異之其詞訛蔓及者覆讐之其凌辱衣冠者懲治之則士悅而知慕矣曰獎孝第人情敬其父兄則子弟悅故當首延父老以寓敬愛之意然後博諭鄉鄰其有孝友著即行誥卓異者必屬已求見請酒登筵護其門面寬其刀役使通邑靡然知效或有兄弟訟財親族互訴者必曲加諷諭以啟其愧恥之心以弭其乖爭之習聽其和允勿事研窮則民俗歸厚矣曰勸農繫

## 莊政摘要 卷上

三 廣仁堂

今之勤農不過春月出郊同寮集飲循行文具質意安在哉故到官之始不必姑俟來春使當以農桑爲衣食之本諄諄曉諭而所以妨害病擾之者必懲必戒則民咸安其業矣曰

餘節目皆當次第而擴充之雖然愛民之要尤先於使民遠罪民之麗刑豈頑而好犯哉愚蒙無知抵冒而不自覺耳宜以條律之大者榜之壁牆明白戒曉某事犯某法得某罪使之自爲趨避其或犯到官哀矜而體察之照法所行與殺一等亦忠厚之德也必盡法施行則流於酷苦卓茂爲密令諭其民曰我以禮教汝汝必無怨惡以律治汝汝何所措其手足乎直仁人之言也

## 事上篇第三

上官屬累而設所以防汙虐戒曠敗也吾於戶婚詞訴決之以公賦役聚散行之以敏又奚懼焉惟刑獄民命攸繫苟有

## 莊政摘要 卷上

四 廣仁堂

過誤厥咎匪輕殺傷多委人驗視安知其不踈忽乎冤囚淹禁歲月安保其無疾病乎結解惟憑供欵安信其果無翻異乎有一於此便罹憲網惟在我者致謹致審又得上官之察我忠實寬厚鞭駁庶可以免厥咎也其郡守視他憲爲尤重郡縣如一家也守令如子弟父兄也情苟不逆事無不可集財賦獄訟無二不與相關而最被害者莫若專差絡繹陵蔑名分撫拏吏卒擅作威福裏取財物日用之供需公事之懇告無所不有謁郡之始便當明稟某職事不敢不勉苟有不逮乞加體恤仍給循壞二簿絡繹往來彼此証書事情無有不達而文移之督促可省也如經兩月事不辦集廿受專差之

慢令之罰竟見鞭勒容弱其長夫郡亦欲集事耳專差豈其得已若恃其相容遂至弛怠公事不集財賦不登亦奚符夫督促哉雖然上官之難事猶可也臺幕郡寮或駁檄竟下或移札相通賓餞稍有不至奉承稍有不虔情好易睽間隙隨起或於職事相關據摭橫生或於羣憲會聚譏議肆入蓋有陰中其毒而獲戾者故當過於勤毋失之意當過於恭毋失之簡當過於委曲毋失之率意而徑行亦可以杜无妄之災矣

僚采篇第四

僚采猶兄弟也兄弟有闕牘之責何以幹蠱而禦侮哉僚采

莅政摘要 卷上 玉 廣仁堂

木無慢長官之心而每不能者非他也此摸長以臨彼彼復匪誠不相下勢必至於喚且是矣夫苟怡怡相與合轍而馳同舟而濟孰不竭力以相佐然相得每難而相失每易公事分委意見偶異或請托所牽輒行改判或彼更役有過謹呼杖責遂致猜忌成隙孰若平心可否請與面議使之欣然改擬署致委而令其自行決遣彼且愧服詎有怨心又彼俸入極微不足以資廉而復拖累月不卽按委雖或匱乏不明以相告移易費用又或先支已俸何以服其心而同休戚也故始至之日延見僚采歷述弊端肝胆相照職事關係彼此明言毋懷忽以含怒更役間諜彼此斥絕毋嗜聽以相猜

心同一人事同一體則政和民和均有幸矣若有沈鬱猥戾者或挾才以相凌或侵權以相擾樂受譖言陰伺長短又將奈何曰此當以誠感不當以勢爭以誠感則義意必周懲白相訐互申弊且不勝救當深戒而早圖之

御重篇第五

周官胥徒府史之制有名職廩稍之俱是以吏皆廉平俗亦醇厚夫人孰無愛憎已身之意顧戀空家之心今時殊事異財賦煎熬日不暇給而暇厚吏俸哉一人奉公百口待哺而又令買辦日用支給公私且下令曰御爾必嚴受賄無赦嘻

莅政摘要 卷上 六 廣仁堂

彼財河自來哉稍有貢產孰肯爲吏非飢寒亡業之徒則願狡猾法之輩非盜領官物則欺取民財爾今爲之計亦不過曰廉以率之耳其身正不令而行將供需蓄節一切罷去既不苛求科索彼縱未知悛改而責之可無愧辭然後弄權者必懲犯法者必究至有稍能任事之人或倚以爲用彼輒妄遂至駕說本官以爲功取之地吏之營求未飽而官之惡聲已彰矣聞有精強自命一切不肯任更吏則廣說道理而爲避揚使之不察不從其言此術不行又必於官起處之間儕吾私議使其語陰人於耳一不之察以爲無心之言從而信

之而不知已墮計中其姦詭萬狀可不深入密察哉故欲吏無受賄斷無奇策但使事事清明人無觀望知吏之不必ழ媚之不可行已爲政之善矣噫波流日靡就挽而東徒增太息云爾

聽訟篇第六

人情波靡機事橫生已難使之無訟惟盡吾情以聽之而已始至之日多至數百少亦百數省訟固自有道不可憚煩若憚煩拖後積壓愈多雖竭其精神難理矣若日引詞則訴牒紛委必將自困不若間日引詞却將鄉分廣狹分搭遇一則引某鄉狀遇三則引某鄉狀遇五遇七遇九各引某鄉狀莅政摘要 卷上

七 廣仁堂

不得攬越庶幾事簡易了且彼有一時忿激便欲投詞需日

稍久怒解事定必有和勸而不復來者此其當行者一也分

鄉定日止可常事若鬪毆殺傷水火盜賊不測等事却置鑼

耆合追捕者合驗視者便卽從事不可因循此其當行者二

也詞訟每是增換事理妄以重罪誣人如被駁必曰殺傷索

財必曰刦奪入其家必誣以作竊侵壘界必誣以發墓此類

真實固有而假此以艱有司之必與追治者亦多要當明立

榜文嚴反坐之法須令狀尾明書如虛甘伏反坐六字異時

竟果涉虛僞斷當以其罪異之則人知畏而不敢飾詞此

其當行者三也詞訟不與結絕愈見多事每一次受牒新訟未到合聽官區處不許累疊陳詞今以兩月爲期不見有司結絕方許舉詞不然並不收理此其當行者四也凡奸狡頑嚚之人專以教唆詞訟把持公事爲業先當榜文曉諭使之盡革前非若有犯到官定行勘杖逐出界外不赦凡兩造應對之詞與狀欵異必究懲教唆把持之人此其當行者五也凡與一人爭訟詞內必牽引父兄子弟多人甚至無涉之家偶有宿憾輒指其婦女爲証意爲未辨是非且得追呼一擾

莅政摘要 卷上

八 廣仁堂

費耗其錢物凌辱其婦女此風最不可長須察其事勢輕重

止將緊要人點追二兩名若婦人未可遽行追呼且須下鄉

審責供狀待其緊急方可引追此其當行者六也不應爲有

罪不許因事告事法令昭然有司嘉聞人家隱微告訐之風

愈無忌憚妄行指摘民不甯居宜預行榜諭告訐者未問虛

實先坐不應爲罪若狀詞本訴之外因而告首其家隱微者

亦勿聽理併先坐罪此其當行者七也詞人供責須當堂監

候證佐自可隨手決遣若涉追證費勘會亦只憑此初供最

不可將供案付胥曹得以恐脅說誘而使之變見真情此其

當行者八也凡訟一是必有一非勝者況而負者不樂矣民無知一人爲人鼓誘自謂有理故來求訴若只據理法斷遺不加曉諭豈能服負者之心莫若呼令來前明加開說使之自知虧理免轉求和或求和不從彼受曲亦無辭矣此其當行者九也每遇一事案牘紛委有憚於遍閱使吏摘撮供具謂之事目吏受人囑其理長者不爲具出而理短者反爲聲說以此斷決多誤不若自逐一披覽無取更單勝者固有理而負者未嘗無道理可說特不若勝者之多耳合先述其是而折其非則負者雖欲翻訴不可得矣此其當行者十也此姑論其大畧若夫隨機應變遇事酌裁神而明之使民宣

莅政摘要

卷上

九

廣仁堂

之則在賢有司

治獄篇第七

刑獄重事也狴犴惡地也人一入其中大者死小者流又小者亦杖削有空出之理脫或差誤縱可逃陽罰亦必指陰德可不加慎哉一曰禁繫必審二曰鞫視必親三曰牆壁必完四曰飢寒必究五曰疾病必察六曰疑似必辨七曰出入必防每有司以私忿怒置人於獄或兩造追會未齊亦且抑入又僥倖亦有違至謂之寄收長官多事漫不暇省遂至因循淹滯不知一人坐獄閼戶抱憂飽煩失時疾病傳染殆有甚

有賂者可使獄吏傳狀稿通信息而舞賂者必被其害執若使之其處可以互相察視乎健訟之徒樂入囹圄因得以唆教獄辭變亂情節孰若別處一半而使之不得與餘囚相近平羸老之人必察其有無疾病或致沉重徒見費力婦人女子必察其有無娠孕脫有墮落無以自明此所以禁繫之不可不審也偶或憚煩令僚采審問但視成欵便爲一定倘或憑賂略多寡爲事情曲直或非法拷打何罪不招故事無大小親自詰問再三彌狡不服盡情然後量施笞榜周官有五聽之法亦以獄情難測不可專事箠楚也古法一更三點親自定牢今也聽政無暇則委佐官飲酒相妨則委典押不知莅政摘要卷上

十

廣仁堂

脫有逃逸皆將誰歸况吏輩受賂雖重囚亦與釋放安寢無咯則雖散禁亦必加之縲絏故不可不躬自檢察之所以鞫視不可不親也囹圄有頽牆壞壁不甚完固者固當亟加脩葺然重囚奸態萬狀尤宜深防每有獄吏受賂放其自便或以飲水爲名將水喫壁浸漬泥濕夜深鑽穴踰牆候然而遁吏卒睡熟無由知覺則追之無及矣此最利害故當審量必夾以板每五日中必躬行巡視一次有不完處隨加脩補戒飭吏卒值更每更輪流兩三人明燭廡視諸牢不時詣獄親自點名便可知牆壁之當完矣獄囚糧食吏欲減勉卒欲

優恤不時防察其有家自送飯者當卽傳與仍檢點夾帶尋  
藥刀仗銅鐵器皿文字之屬春夏天氣蒸鬱須與踪其處  
攜其污穢使不至卑濕奧渫致生疫病如稍向寒便當翻節  
戶牖支給絮炭使各得溫煖可免疾患飢寒之當究者如此  
獄囚有以疾病告者不可不察有實病不以告者未嘗病而  
誣告者彼吏視囚猶犬豕不甚經意初有小病不加審詰必  
待困重方以聞官甚至死而後告者若有贊之因令其詐病  
巧爲敷說以覩保出爲脫免之地所當深察於點視之際則  
自審閱病者且與召醫治療日申增減若必待重而後報必  
寘之罰況死者接踵憲司國典能免咎乎又獄情有疑似而  
莅政摘要 卷上

十一

廣仁堂

難明者不可不辨也世固有畏懼監聽觀欲早出而妄自誣

伏者矣又有官務速了強加拷訊逼令招認者矣亦有官自持已見妄行臆度更輩承順意旨不容不然者矣不知監聽

最不可泛及拷訊最不可妄加而臆度之見最不可恃以爲是吏冊所載耳目所知以疑似而受枉而死而流而服辜者何可勝數前云捉賊須捉姦須捉姦極爲有理凡罪囚

供欵必須事事着落方可憑信不然萬一逼人於罪使無辜受枉於心安忍乃苦獄門出入之繁責在當日監牢嚴行拘督應當日而拋離不到者有罰更卒非係在獄而輒入者有罰躬自點察之外許人告訐水火茶飯各須有人監臨事畢

卽入原處不得放令閑散逐坐內門無故不得輒開若家屬傳送茶食不得私令與囚相見吏卒亦不得因而與之傳遞信息漏泄獄情此皆當深責其防者也夫縣獄不若府司專設一官防閑曲盡其職期令促追財賦煎熬於獄事每不暇詳辦之小者得自行決遣其大者雖必申憲而憲亦視縣獄爲憑據則其責任豈不甚重可不由盡其心哉故反覆諄諄而言之

催科篇第八

夫有田則有賦須瘠挺官素誠所當治而善易樂輸者要當與之覆護其大要則於移劄宜加意焉產去稅存不可不察莅政摘要 卷上

十二

廣仁堂

民有以出業報者便當期會受業之家暫稅歸戶然後却與除退底幾無泛追無溢罰無推攤抵拒之弊然此中極難勝吉鄉胥走弄簿籍漫灑分申之中不以額多爲首丁印稱册廢戶種逃絕上請蠲不行下嚴催無戶鄉胥與富強之家有稅未卽真上居有年年滿歲不曾輸官者止將善良下戶儘數開征或多科加派逼令輸納今年新簿與舊簿互異却云升降不等過割不時單竟田主雖異而田則未嘗異也自可揆究至收賦之人或寄留在外或借貸移易或止以虛數彰過故收者必須家計稍溫行止稍明有親戚保識力可充之至民之受寄嘗有已納重追皆由吏胥不卽發號或侵錄入

已俟鄉恩畏法之人畏點追科役只得重完嗣此民亦不肯先輸矣若妄攤之弊尤不可不禁被攤被迫者何辜哉總之何地無弊何人無奸千孔萬竅難以測度惟察其弊而圖其

官民兩不相病者爲善耳

### 理財篇第九

今之言稅者不過曰官額之所以不登者商賈橫隱耳於是嚴搜羅之策遣差役於界首攔截動至三四十里之外誅才客旅鎗炮無厭得厚賂則私與放行竟不令其投稅商賈不遂其欲則被擒到官倍稅之外費用如故其所差役又復帶游手惡少遍走鄉村以捉稅爲名雞犬不得安行旅困

莅政摘要

卷上

十三

廣仁堂

有希望風畏逼取他道而去轉相告報驅之使不敢至政由督促之嚴征斂之重也宜多出榜示革絕此弊一照則例其有私路遠走被發者倍稅之外更勘罪不貸是取之似少而來者必多課利自然盈衍孰不願出其路哉

### 差役篇第十

有身斯有役而民之畏役甚於畏死蓋百年治生壞於一年之充役而其患之大者在於催科始則用財囑託期於脫免中則逃亡死絕被抑填賄終則箠楚禁錮連年不脫其勢不至於傾家蕩產妻賣子不止也吁墮產以養身而反因產以害身亦可悲已又甲訴不當轉而差乙乙訴不當轉而差

丙前之所差非則鄉胥豈得無罪前之所差是非全豈應復收又有利上戶而不利下戶便富民而不便貧民者惟有參酌等第從公定差是非不致舛錯斯民亦樂就役矣

### 賑恤篇第十一

歲豐大有家用平康不惟民之幸實官之幸一罹災歉何事不生若流離若剽奪若死若相枕藉啼飢連阡陌其誰之責哉不幸而疫癘忽興當遍查家數人口命醫給藥支錢付米其全家在寢者爲之備備丐徒看値時加點察其因病不救者辦給頭水仍與津送不幸而盜賊竊發當申嚴保伍保長統之有警則鳴梆擊眾協力剿捕捕到支犒給賞激勵其餘

莅政摘要

卷上

十四

廣仁堂

若乞兵防拓若出榜撫諭皆當隨宜行之其有水火延災人民離散設法錢米借貸若干使之整理室廬興復生業其不被害上戶量力借貸給與民生許其一月之後日償若干却以所償者償之若但知賑給不爲謀生此曾南豐所謂日待二升之廩于上勢不暇乎他爲吾恐官之所給無已時而民之不復業如故也其有旱澇傷稼民食用難者當勸諭上戶各自貸給其農佃至秋成計貸若干官為給奏仰作三年償本至其逃遁逋負者官為追督懲治蓋田主資貸佃戶此理當然不爲科擾其費官司區處者只市戶耳或以官錢貸米舖戶令往外郡販米出糶但要有米可糶却不可限其價值

米綏輜餉價自廉平此皆爲災歉設也平居無事時果能以恤民爲心政簡刑清毋濫追毋久係不以科條傷民力不以士役妨民時雨暘祈禱大暑極寒必誠必敬天地且格況於鬼神乎

用刑篇第十二

刑之用也小則訊大則決又大則杖一百此爲極典罪不至此而遞加之則罪大於此者又將何術以處之况行杖者或觀望聲勢或接受賄賂行遺之時殆同兒戲此非使人畏乃使人玩也故極典不可數施訊決止可十數下大杖止七五下或十下須令如法決遺下下嚴峻然後人畏服不在數目

茲政摘要

卷上

十五

廣仁堂

之多爲行杖者賣弄也杖一百非大過犯不施則人懼莫敢犯此省刑之大畧也每奸盜辟囚獲到之初首行腿訊多至一二百下此其不可者一也蓋被獲到官繫繩拷打或餓困頓已非一日若訊過甚即斃杖下慘於明正典刑矣蒙強之家妄訴平人若不問是非便與行遺此其不可者二也杖決雖微王法所寓不可妄加無罪以爲應副人情之具若徇其私請張其聲勢將來武斷鄉曲稔惡積忿欲救之無及矣盜賊累犯合與刺涅若初犯及盜不滿疋者爲勢利所怵便與斷刺不知鞭撻至慘肌膚猶有可完之時一經刺涅瘢痕永無可去之理所犯出於一時不得已而被罪至於終身不

雪此所當戒者三也凶惡害民合與鎖禁有偶爾觸怒及勢家所惡者便鎖禁而囚夫罪不至死一身之困蹕難逃身既被囚數口之飢寒孰給此所當戒者四也乃若用刑之節如人夜有禁遇日有禁皆當時警省老幼不及疾寧不加皆當事事審察令甲備著何可法外殘人耶又有三端一我醉一彼醉一癱瘓我醉而行刑傍觀者必以使酒疑我萬一過當雖悔奚追彼醉而加刑則對答之中何知畏懼萬一挾酒凌犯取辱貽羞癱瘓而受刑則必其人之飲食違和氣力困憊筆楚之下尤不可測今有人於杖一百之外又求加焉自知徒流以上不可用乃輒極折手足尤爲殘忍壞法戒之哉

茲政摘要

卷上

十六

廣仁堂

此事非信不集若期限不信號令不肅何以行之哉其要莫失於立限之堅然立限有別屢限有程泛常追會止給到限許其三次申展三展未圓牒到訖若干然後換給定到許其二次申展二展又未了牒罰決若干仍換給不展引此則誠不可復展矣若更稽違則當期杖若干枷監追集如有督捕緊切之事則當竟出定到之引或不展引均確如前然或恐有十分緊急事務非可以頃刻稽遲斷欲必集者則當給加牌不嚴別此牌引違則有大罰皆當先示戒諭又須以不數用爲尊凡限當展不展致於故意藏匿厥罰視限之重輕立

限之則如此都有廣狹地有遠近當量其力使之可以趁赴  
其相去五十里以上及地分縉廣隔涉溪嶺者每限以七日  
或十日爲限下此者則以五日爲限此當先考遠近廣狹之  
數預立規式置簿明著某郡某限例給限之時令吏就案抄  
記以俟自行稽察應限之程又如此夫上之役下固欲集事  
下之應役亦欲事集以免過耳而今之期會不報被責者累  
累也其弊在於上之給引泛濫而無統要當先令限期立定  
規式每部一限給引不得過十件如事多十引之外餘引與  
給後限若一件違限免笞兩件量加笞決三件四件各決若干  
十違八九則勘杖錮目不容輕貸此拘限之大綱也

莅政摘要

卷上

十七

廣仁堂

勢利篇第十四

今之人類以抑強扶弱爲能以爲貴者勢焰薰灼而暗啞叱咤可使賤者奪氣富者田連阡陌而指揮拱揖可使貧者吞聲吾能中立不移剛直沮故凡以勢利至者不問是非例與推抑嗟是豈中道哉夫挾貴以凌人固有之矣亦豈無不驕者乎挾富以傲物固有之矣亦豈無好禮者乎使以矯世絕俗爲心而不問其事之曲直是非則此風既長仙者得以抗主強奴悍婢得以慢其弱子寡妻以至奸猾之徒飾爲藍繻而市井小人凌辱衣冠末流將奈何哉吾惟平心以遇物則其政平矣孟子曰爲政不難不得罪於巨室巨室者一鄉

之望也齊民之所依倚者也其間有道義自重文獻故家過從往來儻可以問政請益植財潤屋積粟盈囷廩憲凶荒亦欲其捐有濟無且彼未嘗有罪而我遽以沮抑爲心可乎哉若或陵轢善厚欺慢寡弱武斷鄉曲羅織平民事若到官所當照法剖决然使小人無知錢有名分因事以咆哮乘醉以憑凌誣容不與之懲戒乎又或聲勢凌人慘酷御下吞併他人財產強占他人婦女被害有訴所合盡法施行然僥頑狡行竊誣賴主家租債不伏了還界至輒行侵易証容不與之理直乎若兜攬關節爲他人致委曲此合平時預行稟曰雖痛絕力卻其奚辭追陪節序儂遭往來當審度辭受酬答若莅政摘要

卷上

十八

廣仁堂

因有怨讐遂以賄賂相及此合明示嫌疑力與與避將之以委曲之意其奚怨夫律已未至處事不公一妄庸人亦得已有敵於我以誠敬相與以禮意相遇彼雖挾勢利其能撓我之政哉固不當委曲以相承亦不必矯兀以自異平居交際笑語相歡非意相干可以理遺若惄惄憇其持我疑其況我我思所以防閑過抑之非爲政之善者也

遺嫌篇第十五

禮曰決嫌疑明是非我未嘗私且怠也而人或以是而疑我是必有不公不勤之迹有以召人之疑我未嘗貪且濫也而人或以是而疑我是必有不廉不正之迹有以召人之疑二

事可疑將無事而不疑之矣。一日可疑將無日而不疑矣。夫蒙是疑也。吾知之尚不可辨。况人未必肯以是告吾而人之疑我已。自藉而傳之道。路達之臺府。厥寄豈淺鮮哉。故君子於嫌疑是非之間。最當正其微而力遠其跡也。且賓朋遊謁所不可辭。自延之書院或別室。於是邑人相與讌。曰某往來甚密。某欵甚久。情好必甚。其相得利害可以悉。嘗凡有訴來。官詞理甚虧之人。往往輻輳其門。而請託之。路朝矣。甲與金若干。當爲轉達百里。乙與金若干。將以轉納。某富室飛蓋馳興趨。謂細語移時而退。則告甲與乙曰。已爲致死曲矣。實未嘗齒及也。他日密其事。甲乙必有一勝。則如約取金。官何辜。

**蓋政摘要** **卷上** **十九** **廣仁堂**

而受此名哉。故拜謁之時。公所相見。吏民其視自難致疑。但使禮貌有加。必不以我爲慢也。且節序宴會所不可廢。自優倡出入宅堂子弟館客。相見謔戲。甯無然。瓜田李下。甯免相疑一語。乖邪便輒傳播。萬口喧藉。動生風波。而譏狎之謗興矣。或又多買婢童教習歌舞。管絃聲徹街坊。淫僻漸流閨閣。宴會之時。伎女不許出入。若旬休公暇。與寡家紳士只爲文字清飲。當不以我爲簡也。剖決公事。自有公理。正法吾亦何心。其間但自憚意。多令吏人納奏。俟暇時看閱。或呼吏入與之評議。或令檢核判稿。於是得疑其受成。吏奉委要。當遇限。

即據案披牘。不必呼吏至前也。收到庫錢。自有封閉。吾亦何私其間。但自過慮。恐或帑吏侵貸。私爲鑽窺。或分管別庫。或寄留宅堂。於是得疑其躬爲漁獵矣。要當謹固壁落。精擇司帑。不可率意移徙也。其他疑似招謗。固亦多端。但每日每事須昭晰明白。如水之清而無滓。止而不波。雖有點污。吹颶何可得也。若曰我此心平正。無愧俯仰。足委矣。必規規然。遠嫌辨迹。求以示人。哉始恐將來或有愧尤。必自嫌之。不遺迹之。不辨始。雖悔無及矣。

**宋昌居仁官箴原本**

審官之法。惟有三事。曰清。曰慎。曰勤。知此三者。可以保祿位。

**蓋政摘要** **卷上** **二十** **廣仁堂**

可以遠耻辱。可以得上之知。可以得下之援。然世之仕者。臨財。當事不能自克。常自以爲不必敗持。不必敗之意。則無所不爲矣。然事常至於敗。而不能自己。故設心處事。戒之在初。不可不察。借使役用權智。百端補治。幸而得免。所損已多。不若初不爲之爲愈也。司馬子微坐忘論曰。與其巧持於末孰若拙戒於初。此天下之要言。當官處事之大法。用力簡而見功多。無如此言者。人能思之。豈復有悔吝耶。

事君如事親。事官長如事兄。與同僚如家人。待羣吏如奴僕。愛百姓如妻子。處官事如家事。然後爲能盡我之心。如有毫末不至。皆吾心有所未盡也。故事親孝。故忠可移於君。事兄

憃故順可移於長居家理故治可移於官豈有二理哉

當官處事常思有以及人如科率之行既不能免便就其間

求其所以便民省力不使重爲民害其益多矣不與人爭者

常得利多退一步者常進百步取之廉者得之常過其初約

於今者必有垂報於後不可不思也惟不能少自忍者必敗

此實未知利害之分賢愚之別也

予嘗爲泰州獄掾顏岐夷仲以書勸予治獄次第每一事寫

一幅相戒如夏月間罪人早間在東廊晚間在西廊以避日色之類又如獄中遭人勾追之類必使之畢此事不可更別遺人恐其受賄已足不肯畢事也又如監司郡守嚴刻過當

蓋政摘要

卷上

二王

廣仁堂

者須平心定氣與之委曲詳盡使之相從而後已如未肯從

再當如此詳盡其不聽者少矣

當官之法直道爲先其有未可一問直前或直前反敗大事

者須用馮宣微惠穆矜停之說此非特小官然也爲天下國家當知之

黃兌剛中嘗爲余言頃爲縣尉每遇檢屍雖盛暑亦先飲燒酒提鼻親視人命至重不可避少莫穢使火橫屍無所申訴也

范侍郎育作庫務官隨人箱籠只置廳上以防疑惑凡若此類皆守臣所宜詳知也

當官既是廉潔又須關防小人如文字屢引之類皆須明白以防中傷不可不至慎不可不詳知也

當官者難事勿辭而深避嫌疑以至誠遇人而深避文法如此則可以免

前輩嘗言小人之性專務苟且明日有事今日得休且休當官者不可徇其私意忽而不治諺有之曰勞心不如努力此實要言也

徐承相擇之嘗言前輩盡心職事仁廟朝有爲京師轉運使者一日見監窪官問日所燒柴凡幾窪曰十八九窪曰吾所見者十一窪何也窪官愕然蓋轉運使者晨起望窪中所出

蓋政摘要

卷上

三王

廣仁堂

烟燭道知之其盡心如此

前輩嘗言吏人不怕嚴只怕讀蓋當官者詳讀公案則情偽自見不待嚴明也

當官者凡異色人皆不宜與之相接巫祝尼媯之類尤宜疎絕要以清心省事爲本

後生少年乍到官守多爲猾吏所餌不自省察所得毫末而盜不墮矣以此被重譴良可惜也

當官者先以暴怒爲戒事有不可當詳處之必無不中若先暴怒只能自害豈能管人前輩嘗言凡事只怕待待者詳處

之謂也蓋詳處之則思慮自出人不能中傷也

當見前輩作州縣或獄官每一公事難決者必沈思靜慮果  
日忽然若有得者則是非判矣是道也惟不苟者能之  
處事者不以聰明爲先而以盡心爲急不以集事爲急而以  
方便爲上

孫思邈嘗言憂於身者不拘於人畏於已者不制於彼慎於  
小者不懼於大戒於近者不侈於遠如此則人事畢矣實當  
官之要也

同僚之獎交承之分有兄弟之義至其子孫亦世講也前輩  
專以此爲務今人知之者蓋少矣又如舊舉將及嘗爲舊任  
莅政摘要

卷上

廣仁堂

當官處事務合人情忠恕道不違觀於已而得之未有舍  
後術士以公事平之大怒叱下竟置之理杖背偏置招延此  
莅政摘要

卷上

廣仁堂

人已是犯義既與之稔熟而干以公事亦人常情也不從之  
足矣而治之如此之峻殆似絕滅人理

嘗謂仁人所處能變虎狼如人類如虎不入境不害物蝗不  
傷稼之類是也如其不然則變人類如虎狼凡若此類如告  
奸中傷誘人欲眞於死地是也

唐充之廣仁實者也深爲陳鄒二公所知大觀政和間守官  
蘇州朱氏方盛充之數刺謹之朱氏深以爲怨傳致之罪劉  
器之以爲充之爲善欲人之見知故不免自異以致禍患非  
明哲保身之謂

當官大要直不犯穢和不害義在人參詳斟酌之耳然求合

開治止叔獲盜當改官曰不以人命易官終不就賞可謂  
清矣然恐非通道或當時所獲盜有情輕法重者止叔不忍  
以此被賞也

所喪多矣亦殊不知此數亦吾分外物也  
當官者前輩多不敢就上位求廣章但盡心職事所以求知  
也心誠盡職求之雖不中不遠矣未有學養子而后嫁者也  
當官遇事以此爲心鮮不濟矣

於道理本非私心專爲已也

當官處事但務積實如塗擦文書追改日月重易押字萬一敗露得罪反重亦非所以養誠心事君不欺之道也百種奸僞不如一寶反覆變詐不如慎始防人疑衆不如自慎智數周密不如省事不易之道事有當死不死其訴有甚於死者後亦未免死當去不去其禍有甚於去者後亦未必得安世人至此多惑亂失常皆昧輕生重義之分也此理非平居熟講臨事必不能自立不可不預思古之欲委質事人其父兄教之有素其心安焉所謂有所養也

莅政摘要 卷上 三五 廣仁堂

忍之一字衆妙之門當官處事尤是先務若能清慎勤之外更行一忍何事不辦書曰必有忍其乃有濟此處事之本也諺曰忍事敵災星少陵詩曰忍過事堪喜此皆切於事理爲世大法非空言也王沂公常說喚得三斗醜醜方做得宰相蓋言忍受得事

劉器之建中崇甯初知潞州部使者觀望治郡中事無巨細皆詳者然竟不得臺巒過難過往驛券亦無違法予者部使者亦歎服之後居南京有府尹取兵官白直點磨他寓居無有不借禁軍者獨器之未嘗借一人其廉慎如此故人賴節享彥承嘗爲予言後生當官其使令人無乞丐錢

物處即此職事可爲有乞丐錢物處則此職事不可爲蓋官有乞丐錢物處人多陷主人以利或致嫌疑也

前輩嘗言公罪不可無私罪不可有此亦要言私罪固不可有若無公罪則自保太過無任事之意

范忠宣公鎮西京日常戒屬官受納租稅不要令兩頭探或問何謂公曰賢問是也不要令人戶探官員等候受納官員不要探納者多少然後入場此謂兩頭探但自絕早入場等人則自無人戶稽留之弊

有胡公知蘇州府揭門外一聯云相面者善命者打抽豐者都請免見擇廳者鋪堂者擅太歲者俱聽訪拿

莅政摘要 卷上 三六 廣仁堂

遇羣馬於途凡脊穿毛脫瘦慘而殼鱗者必官馬也逢數船於河凡蓬破篙折朽敗而鏽漏者必官船也蓋乘無節愛惜無人故易以敝嗚呼今之從政其亦以民爲官民乎

內省齋循良賦

數載來四方友人常以書詢更治蓋謂老馬識路也

賀初謝不敏既而思之民之苦樂世之治亂莫要旨於是乎出爰取陳言櫛括爲賦雖鄙陋無文乎然涖

民者居幕者於茲省覽或亦高深之一助歟

恩世道之興隆兮必澄清乎吏治恩人心之悅服兮當處脂而不膩先潔已而無私兮嚴一介於非義能造福於蒼生兮卽垂休於後嗣惟夙興而夜寐兮念民艱而弗寢勿多人以隨任兮寶貞廉之所繫躬節儉以裕民兮飭關防而自憲戒暴怒以禔躬兮勿加人以意氣求已過而恩改兮冀無慚於

莅政摘要 卷上 玄 廣仁堂

夢寐能勵志於興除兮必虛懷以集羣議既詳慎而精心兮尤勤敏以趨事首務農桑兮知衣食之所自開渠築隄兮圖廣興乎水利躬省耕斂兮使民知重農之意若天地畝鐘糧兮察覈宜細包攬侵欺兮當釐積弊設良法以催徵兮清完欠而杜詐僞審編里役兮期衆言之無異羣而質而速行兮察私竇而防偏誠設法歛解兮惟緩急之有厚求糧里之勿困兮兼求解役之無累廢釐私派兮勤日收之察視差不增耗而米不增羨兮收銀必投諸權選解役而察批廻兮俾小人不得而爲厲寓撫字於催科兮所謂寬一分則民受一分之則至如積穀實行兮乃豫儲以救荒在豐年而夙備兮宜

廣勸爭義倉遇大祲而速勦兮必早爲之申詳倣昔賢之成法兮庶幾乎赈救之多方欲斯民之尚善兮惟六諭之爲良賈親講而弗怠兮宜遍歷乎諸鄉果實心於造士兮先德行於文章考試公明兮令聞洋洋優禮恬澹兮亦孔之臧弗敢逢迎兮慮士習之猖狂欲風俗之日醇兮惟節孝義善之表彰興社學於義儒兮實渡世之慈航禁淫戲與邪書兮使不爲世道之深舛嚴諭婦女兮毋入寺廟與游江能留心於教化兮斯百世以流芳若乃力行保甲兮編審貴乎躬親單騎城從兮庶無擾於斯民獲盜立訊兮必隔別以詳詢勿特刑鞠兮斷不枉乎平人禁捕快之私拷兮勿聽衙官之審申早莅政摘要 卷上 玄 廣仁堂

而費資耐煩愛憇勿以贖錢媚上司勿護原告勿爲甘言之所給凡告婦女分斷勿勾提保全廉耻分茲德無涯

良吏皆欲同乎流俗耳其以時勢自諉豈知漢魏以來亦有德教爲治者豈必唐虞三代哉果能卓然自立則時勢雖艱豈足以限毅傑哉再賦卓異欲人知

寒薄暑佳辰令節分輞轡宜停老幼疾病遠行有喪勿尤屬可矜能充惻隱勿仁政乃宏邑有養濟勿僅屬虛名必當確

### 賢歛

察勿寶養孤貧邑有醫學勿選授毋輕常一堤命勿教其術精實禁私宰勿俾無害耕嚴緝賭博勿盜源是盜訟師積習分所當嚴懲俾無唆搆勿間間乃常狴犴宜恤勿戢彼強陵淹禁爲虐勿瘦瘠薰蒸苟有仁心勿庶獄時清草溝閭扉勿

### 莅政摘要

卷上

三九

廣仁堂

惟德之馨吁嗟乎簿書訟獄勿無非實學以廉作則勿自得毋薄欲不怒而威勿交際宜卻身爲守令勿當念民瘼時讀書而觀律勿乃有資於治署詩酒琴瑟勿何違涉作時日悉荒勿政多離離孰輕孰重勿所宜裁度澤洽斯民勿此衷自樂名實兼收勿將膺殊擢猶歛政治勿宜苟德而緩刑責人從寬勿教人以誠明告以罪勿使民自憚必使受者愧服勿見者知驚宗族親戚勿傳解訟而息爭雖分曲直勿撻責勿行德教漸被勿民俗乃更彌自省而勿欺勿益虛心而勿盈備循良之實政勿垂手載之質聲

### 內省齋草異賦

### 莅政摘要

卷上

三十

廣仁堂

矯情以干譽何卓異之可彰來賈曰嗟乎世俗懵懵惟衆是從拘文奉義日趨於懦非毅然而獨立孰能振乎頹風惟亟行之君子耻流俗之與同視斯民之疾苦先痛癢乎厥躬是以晨宵靡懈性秉至公其志堅則金石可貫而忠純則鬼神可通然非力矯乎浮世何以大濟乎瘼疾於是殫心竭智以古爲師赫然權貴分衆所諂者能獨覺然寔人勿衆所慮者能獨慈行其直道不屈不隨特布寡人之政於慘刻相尙之時是故民懷其德而不忍欺雖要津與豪右必不敢干以私彼君子勿欲斯民之得所惟勉焉以自持方惶惶而負歎惟無救乎凋疲以聖賢而視此實職分之所宜乃世人其罕

觀咸驚異以爲奇客不覩諸古史乎姑臧之長奮力行清潔

單車就道人嗤其拙視彼彌竟川澤者兩岸然而不屑荊州之守湖質清是人知車馬僕從一無所資其子驅車而徒步雖

餉一絇而必遣至如河南之尹張全勤民力田不憚跋履躬

踰陌阡太平之守廣文嬰兒是全特稅釐以代丁錢又如

廬州屠販一訓誠而遠優范純仁事開封燈市雖弛禁而五夜猶

然陳堯叟又如岷俗畏疫閩門咸避以自捐刺史設廟而別開遂使民觀感而相憐辛公義事又如平原獨無不與五郡爲比鄭驅車北行俾民懼罪而奇

其子賈彪此皆翹然自命而不以時勢相委況乎上元晉城

袁政摘要

卷上

手一 廣仁堂

袁政摘要

卷下

廣仁堂

之治程子雲巖同安之政朱子躬行教化不繇號令而得制治之源豈特循良之盛若夫一路福星賦斂惟輕鮮于於屬民保伍枹鼓不鳴鄧華事或深自引咎聞者悔而失所爭劉邦事或孚惠密從事悅而得其情劉弘事或挺耳以化訟劉知事或執筆以求生歐陽事或以酒醉地而郤金與馬張典事或明闡恩過而感人以誠韓延事是皆爲衆人之所不爲故能獨全其美而當時遂莫與之京

藍政摘要卷上

袁政摘要卷下

嘉善陳廉憲公諱于王令句容政績

句容素稱健訟又偏近留都棍徒動輒搥情越訴法司陷害愚民破家傾命公摘証告者數人間撫童徒仍請撫臺朱公咨明法司概不發解於是奸民計窮漸以安戢而京棍夥證縣騙之局亦不復行於茲邑矣

本縣刁徒往時興南京大猾交通遇有重犯卽潛往藏匿差人雖知踪跡奉牒入都大猾或推避不承或明言某衙門現有某事干連未經歸結其人不可發差人空手回白莫可誰何公知此獎沿習已深非嚴責差役所能了乃往見操院大袁政摘要

卷下

手一 廣仁堂

京兆親白之皆立如公旨嚴定約束自後縣差持牒至京如行境內擒取本縣逃犯莫敢抗公於法司提邑民斷不發解而邑民避匿京邸則必取之兩者相須杜奸行法雖風裁力量不畏彊禦有大過人者亦絲其清操英謀足以感服上轍故所謂必從所斷必行也

各房科書手向用數十金買窩猶置酒席方得入門公至聽審悉出親斷書手捧牘侍立無敢出一詞取供時一字莫敢上下錢糧徵收給發又不得挪移侵剋肅清坦易百姓無求於房科於是此輩利少而多畏在內者求退勿獲在外煮鬻

東手無聊而不願進縣門一尺其實公於此輩未嘗作意苟

求不過眞白不行有犯必譴而曰衛門少得時書吏一人人民間受幾許甯靜之福

皂快一人出名每合白役三四人爲夥凡奉差遣分投撲捉又或數人併至一家挾詐酒食銀錢公逐一查察正身令各

獄小像於腰牌當堂驗看用印親押懸認聽用每奉差至鄉只許正身一人其無腰牌者百姓卽刻扭稟以自捕論

時臨養濟院存問月米柴薪布疋依時給俵每曰此輩而猶有人侵漁其間或後期致困人卽無可奈何天亦戮之矣奸猾惑公之惻隱而畏公嚴明

### 治人治法

蒞政摘要

卷下

二 廣仁堂

治無大小得人爲急務是邦也察士夫品優者何人才高者何人察識既真與參謀議當有大助於政教故事賢友仁爲官常第一義也闡章顏壯其之言曰宰相以知人爲大以薦賢爲職如孤介不與物接非所以集思廣益造福黎民也然每人而接之日亦不足故必逢人下問遇事博謀值每部人見某省人各詢其賢否疏名暗記互相參稽則曰黑定矣大畧因賢知實雖天下之大如一室也守令亦然鄉紳之可師可友者吾籍而藏之矣以至舉監生儒以至耆老隱逸無不知以至窮鄉下邑匹夫匹婦亦莫不知用保甲法逐里甲而細數之又詢訪前好人相參伍之知其善可以請教可令傳教知其不善者幾人則

僻里之善長者分比而教之或設法以愧之時面察以稽之雖一鄉之衆如一人也子賤所以彈奏治者以其用人而明道衆山所以知惡少某者以里甲之分數明而時時體察焉耳

出行前導例有肅靜迴避二牌亦行辟人之義也陽明先生開府南贛易其字曰求通民情願聞已過肅靜欲使無言問過則招之使言迴避欲其不見通情則召之來見當時不聞以先生爲靈體但督開誠布公人人得至督撫之前直達所見利安得不興弊安得不剔政事安得不粹美乎劉惠宣公撫兩粵凡有事行司道府縣不用官封硃點當堂開拆但照

蒞政摘要

卷下

三 廣仁堂

同輩往來例則單帖具名另用副啟開陳事宜末後親填四字云大夏頓首當時亦不聞以公爲靈體而下司凡領公劄感激頤化盡心奉行如嚴譴之伺其後德威惟是豈不信與近者太濱王公撫江西守令來謁不循舊例庭參邀入後堂每二人一見左右列坐身自北面烹茶細談問所治利病觀其人之心事識見議論年力俟出卽疏其大異復邀二人入亦如之不厭煩勞不嫌降節委蛇數日之間迎賓宴賢否思過半矣人見公留心如此賢者益勸否者易矯蓋有化枉爲直之微機焉此三事皆爲撫按之良法也良法何常生於居高者之美意苟存其意推而廣之各隨其時各隨其地美

憲無窮則良法無窮

聖政不得良臣奉行可以致害崇禎初元停蘇杭織造以甦民困而蘇之機房數千人皆失業無他事可爲將爲盜直指王公道直至選其有力者爲親兵厚資以衣食精銳隸名官府餘衆無復能爲盜矣時米價甚高公又令餘衆潛河衆益喜前策爲久計所以消悍者不肖之心後策且救目前令此輩徐圖別業耳不得此等處則節儉之 聖世之罪臣

其地而不能盡心弭亂非

聖世之罪臣

民情土俗萬有不齊立法更制隨方便宜隨時潤澤可矣一邑之事未必可概郡一郡之事未必可概省而况一省之事  
蓋政摘要

卷下

四

廣仁堂

可概天下乎近來通行二字甚爲民苦欲奉行則擾害甚欲停止則委曲多端雖良吏費盡苦心而房科終緣爲利階民間不免一番費用譬如山東加工錢練鄉兵一事欲通行各省官民皆大苦之吾郡各邑南運多領散批吾邑獨領總批各邑南運不兼北故欲令帶兌漕糧吾邑南北品搭輕重相兼豈可又令受兌軍之累嘉興壤高苦旱秀水壞低苦澆獨吾邑南高北下旱則南鄉困澆則北鄉悲一邑之中尙有參差如是而況郡省與天下動輒巨通行通行可乎哉

御吏

今京師之政事出於督辦都縣之政事出於六房以官府之

衣冠臨天下以胥吏之心計管天下民生何繇甦國用何繇足然是風也沿習數紀威不可制術不可革惟大小職司各自出其心計以脩政事則胥吏之心計不奪而廢矣

積贓衙役曾經憲罰罪革未幾更名復貪充役膽大手辣比前加橫行察汰凡書役每房共一保結其他役十人爲一結如有訪過人犯在內卽時責逐扶同不舉者告發一體究罪

止吏胥欺騙愚民一各役毋得近前稟事二解審時偶喚一人至案前汎問民情土俗三出外過鄉村籬落每停車駐節延訪父老使民隱上通四從來告示張掛在官府旣未必設

蓋政摘要

卷下

五

廣仁堂

誠致行又鄉愚民識字者少身到衙門前時更少何緣傳徧通知惟自撰剗切數語細字刻印千百張居則置案上出則置拜匣中遇鄉愚父老每出一紙付之令其持歸傳相稱告數月之間可徧孚於窮村僻野始以精明著聞久則至誠感化使民間信官而不信衙役雖欲誑騙無縫行矣差役票尾硃印式

差役單身船用一櫓每十里船銀一分違

者加菜飯如分外多索許被笞面稟責革

此法顧珠歲父母署篆吾邑曾行之每差役拘人到先呼至案邊問何酒食款待送銀錢若干稍過限制立刻先賚差役

然後審問本事不過懲三三人各役帖然奉法鄉民寂然無壞矣會見差人持糧票下鄉急如風火黑夜排闥就牀擒鎖

舉家驚惶設酒送饋及去衣服雞犬一空假如欠銀五兩此

番所費二三兩手頭愈空錢糧愈難完辦及帶至縣該差文

與商通倅人代杖而出一番追呼始終皆爲差人生意而官

通如故惟行此法則官府得差人之用民間無差人之害

奸書劄字之巧如江陵集所載劄去壹字仍填壹字以疑監

軍而索軍卒首功之賄者以壹易壹吏固巧矣但監軍亦失

於不思壹顆既不可復減則雖劄非煥稍加尋維亦不難

見心悟其故直於初白時置之罔聞立召卒而賞之則吏窮

憲政摘要卷下

## 六 廣仁堂

矣此一小事而制奸與制於奸只在思不思之間古人云事

因忙錯處事貴緩然徒緩無益要在忙裏能詳

市井奸民凡長於書算巧於侵欺者必謀入糧房亦手而入

不數年必滿囊而出或事發伏辜或浮浪致費彼雖享之不

長然百姓之受其鉗脂者則不可追矣其尤猾者即以所獲

厚貲入京買官名曰飛過海桑梓之脂膏以爲母及官他

境又浚其脂膏以爲子奸人赤手工子母之權而彼此小民

兼受其害者無算又借宦遊之名遠避地方雖欲加罪難得

而問時移事過然後徐歸相距既遠官府亦姑置度外使此

豈得安享一身真不平事也縱未能絕加納之遂且將飛過

海一種嚴行禁杜則此輩雖侵牟於前猶畏罪於後庶稍稍紓小民之害於將來

## 保甲

鄉變之本兩言盡之固本地之人心清外來之奸細而兩言

之妙則併包曲盡於十家牌然此法行之不善匪僅擾民小

則隱匿丁口大則激成亂無他惟擺列器械編寫保夫二

事最驚耳目而一切諸擾又雜出乎其間於是小民疑懼相

仍報丁口則曰將以充兵也而隱匿百方查生業則曰將以

營差也而詭不以實告命中長查報九家則曰日後之累無

窮也而互相推避於是甲長無人而丁口房屋生業不可得

憲政摘要卷下

## 七 廣仁堂

而清於是總甲欲隱欲報可以上下其手因所報之未必實

也遭人密訪之所遺之人即得而嚇詐之委官覆核之所委

之官又從而署取之奸細未及清一分而本地之人心驚然

思亂矣夫保甲本意原爲無事時廣教化移風俗因之以清

訟防奸必寂然行之以不擾不編保夫不列器械不點燈不

守夜一如平日氣象毫無更變張皇但查丁口房屋生業務

在詳細真確而已丁口則貴賤老稚孤寡疾廢一一備載並

註年歲蓋外來奸細非必强悍之人雖老幼尪羸皆可挨身

探聽惟本地人一人冊則城內城外某夜某飯店忽增某

人無所容迹但使奸細夜無宿處自難違涉潛來而且

老幼具載使小民曉然知保甲本意不爲選兵登陴則壯丁自不隱匿或有謂孤寡應免者免之一字便起羣疑報名入冊有何勞苦煩難事加之而須云免且孤寡中有不能自給者倘值緊急或遇凶荒愈患頗連正賴周助若不入冊是棄之也後雖欲賑濟豈能於冊外查其名姓居址而給之故保甲之法人人備載非惟無屬於民且將有施於民行是法也

羣疑釋而丁口無規避矣房屋則某大街某側巷或已房或賃某官某舉人或監生生員吏典某某房一一開明其大戶牆門或棧房窖坑空屋之類亦一一登冊務使開卷了然無遺或遇有警須分別贍食則已房者爲中戶房多者爲上戶

## 憲政摘要

卷下

八

廣仁堂

其實居僻巷小房者大抵待食之貧民也行是法也不煩查報貧富而就房屋間架已得大都矣生業則讀書工商經紀猶復僥僥二確載不得概云耕織蓋城居之人習耕者少紡織之事明係婦工須以男子所日督爲主行是法也土著流寓水分派遊暫著列眉矣惟甲長苦承久爲累則輪月之說較妥今且以十家之第一戶爲甲長止任查報九家之責此外一不以煩之倘屬孤寡則從第二戶始人知無備器點燈之費無踐更擊柝之勞而又每月一輪遞司覈察之任則目前之甲長易定而造冊之際甲長止查九家總甲止查甲長督指遞屬稽察亦大復省力其法易行其效易成矣至於

寺院里卜遊僧不時來達尤易藏奸應照房頭多少定其甲數房多者每房自爲一甲以當家者爲甲長禪堂以總管爲甲長通寺以住持爲保長長住僧道逐名細開勿或掛漏亦不許分外寄宿一人夫嚴之於飯店之窩頓窮之於寺院之容留則外來之奸細清矣輪充甲長而以前三法行之是爲行所無事而本地之人心固矣此保甲之有利而無害全在善行之人有治人無治法也外有十家牌所未及者曰過往船隻水鄉之地惟此項藏奸最多搜緝最難每點燈時分一切貨船漁船小航船但係外縣過往或托稱鄉間船隻與居民不相稔熟者只許於城外停宿不許任泊城內試觀近來蒞政摘要

卷下

九

廣仁堂

江北州縣皆破於奸細則禦變之本斷然可知惟防差役違逃因事生擾欲清外來之奸細而先失本地之人心始終所處專在於此將欲懲曉廢食又恐養亂自焚甚矣行法彌縫全賴治人哉

錢龍門守饒保甲述曰余初守饒饒爲瀕湖盜藪大盜恣行通都中若探囊胠篋之見告者殆無虛日會蜀夔州有盜曾之變道路傳言且順流東下饒九郡號號震鄰臺司檄余爲城守計余應之曰盜賊必不能至此惟是屬城多盜保甲法在所當行耳請行郡城以爲列城法因下令曰饒城多盜有盜必有窩苟民家不爲窩盜於何匿又一家被盜鄰甲每

閉戶不相救相救則盜於何逞官府拘攝罪人歲月抗匿不能獲而告椎牛者告醜賄者告人命剽奪者近舍左右鄰不敢證而遠取隔縣隔鄉之爲證何益乎本府今將嚴行保甲法惟時余正欲爲守城計而所下教則第云爲清盜理訟云耳其法不用官吏簡稽亦不用器械陳列但令合城內外二十五坊鄉約每十家舉甲長一人百家舉保長一人各甲長詳核其十家之丁口生業以復於保長各保長詳核其甲長之所復以報於鄉約以屋爲主以人爲客其屋自大街以及衙巷或公所或民居或道院梵宮或縉紳甲第甲第自大門一間外爲耳房爲側舍魚鱗聯次畢入於冊有空屋衢路必

莅政摘要 卷下

明註空屋一間及衢路一條其人自貴賤老幼孤寡廢疾以及附居親識長僕工傭其業如士工商賈吏胥僮僕以及士著僧徒遊方羈旅華人於冊壯丁年四十以內必備記年歲狀貌於本名之下有不核實者鄉約保甲長俱治罪教下十日而諸坊之冊畢至因取冊目置堂皇旦晚治事涉郡城者輒問其人居某坊家何業男婚幾人左右鄰何人其男女幾人生業何事卽揭冊驗之有訛錯卽記於冊聽訟間有兩造筆質不服者輒呼其左右鄰問之情偽立辨問本事畢則又互詰其生業戶口如前有訛錯卽記於冊蓋二十餘日而得其訛錯者十之三因提其鄉約保甲長而薄治之姑質其罪

仍盡發原冊於城內外之鄉約實以十日勒令覆查改正以憑稽核迨十日而冊又至則又置之堂皇隨事隨人詰質如初於是獲盜則必究其窩而隨卽究其左右鄰之容齋者遇關嚴死則坐斬者以罪而隨卽薄懲其左右鄰之坐視不救者得椎牛醜博逋匿之人則各盡本法而隨卽傍治其通情隱護不首發者盡又十餘日而冊內之訛錯者僅十之一則又薄治其鄉約保甲長再發改數日冊至織巨畢察矣自是之後仍每月一遍發改以待遷徙死亡者於是每甲一牌照冊填以懸於甲長之戶惟時官府寃然不見文法之苛而閭閻自相督察殊急作奸犯科者徑擒以獻矣其有壯丁者莅政摘要 卷下

始令各備精銳器械一事於家以備非常力不能備則九家合力備之每日城內外調查審往某坊密攜某冊以往至其處忽點一壯丁驗之年貌果相合乎器械果精辦乎否則立笞之而仍詐實其左右鄰如初蓋自是各家之器械亦不敢不精辦而余退而簡料其冊內之壯丁利器已及若干人矣一朝有警令保甲長帥而與之列於原野卽東伍之旅也畫地而分之立於女牆卽登陴之卒也其始似借保甲以清盜賊詞訟其實則借盜賊詞訟以行保甲其行保甲實以料民丁也而不知其爲料民丁實以搜奸細也而不知其爲搜奸細不用官吏簡稽懼擾也而簡稽未始不精不用器械陳列

懼駭也而器械未始不備其始則重保甲長藉其稽核也其

後則獨重兩鄉欲其督察也重兩鄉而保甲長之名仍在庶

其便於一朝之統領也凡五十餘日而奸盜盡屏城守悉備而民間但以爲行保甲云耳故曰兵詭道也易其事革其謀使人無識易與革云者謂意在於此而號令乃寄於彼也此余行保甲之意也凡行此法者惟在心計精密氣平常倉皇紛擾先自敗也已安能敵敢述之以告後之守土者名

憲登邑人皆在鄉亦逐區逐戶挨記戶口多少貧富併及寺

額僧道署如城坊保甲冊式荒年便於賑濟然發易於追尋

其蒙橫一切師巫邪術俱密記於姓名之下除巨惡外悉令

憲政摘要 卷下 十三 廣仁堂

改心易行不悛者治之

余健吾先生治譜  
根柢

州縣最爲親民服是官者不惟關係民生我輩終身事業俱托始於此故持身欲清事體欲練處事欲平然非倉卒可至必平時以養生名教爲已任躬率妻孥尙儉樸則資於官者必少凡事間吏治民生一一留心則得之間見有素諳事反觀變化氣質然後能清能練能平若求之當官晚矣

立法治信

見各上司後且遲遲放告先將衙門應行事體如革廩除害之類再三斟酌言必求其可踐事必求其可行如賣六房完

憲政摘要 卷下 十三 廣仁堂

前件及差役勾攝限期宜寡遠限者打數席少毫不失信則令不爽而法自行

防奸諭始

新官凡事當謹之於始能先諭衙門有犯無赦更書以下無一人不凜凜無一人不守法又不過責鄉民則小民傳諭俱知州縣防閑體恤至意自不爲衙門人所騙竊若初至時小假衙門詞色若輩便彈冠相慶誰索鄉民此風一傳即後來着意收拾亦費許多心力

變化氣質

新官性情要把持定但精神閒雅器度豁然心小而虛言簡

而當卽事體未必盡通才識未必盡到人亦自然相諒反是雖小有才人且求多小有才之人爲才所使粗浮之人爲氣所使自家攀擬自家不任狂暴躁急僨事害民皆由於此此等工夫亦不在當官之時然能漸漸習去過後知悔猶爲不遠之復變化氣質猶未爲晚惟執拗到底有識者毋與之處恐與禍鄰

### 知鑒

每見四方於新官到任數日內便有品評凡事聽佐貳謂之佐貳官聽六房謂之吏書官皂隸上堂說話謂之一堂官多出告示謂之告示官少有性氣謂之公子官凡事過當謂之蒼政摘要

卷下

十四

廣仁堂

子孫官凡事糊塗謂之泥巴官如此等名可不慎歟

### 准狀

民適事簡之地初二十六放告此正理也然州縣繁劇無日無之正不必不准以滋越訴以添纏擾昔人有云官之貪廉不在准狀之多少而在措辭之輕重假如一狀不放空罰又重雖少准猶貪也酌理之當否家之厚薄而定之常多逐毋廣罰甯輕減毋重多雖多准猶廉也蓋朝廷設立官府原爲民間分憂息爭使之二和解今人不知設官之意祇知准狀爲取財之媒故以多准爲諱不知我之心至庸至平原非狀狀不放空之心雖多准何害百姓赴訴無地只得裹糧奔

告上司既添府城歇解之費卽或施行到縣又增自己一番審斷且上司事又難徑遂空回只得問罪取保費民有不小小者

### 聽訟

原被赴審必各有一番說話成誦在心聽之皆是無可置曲直於其間矣新官以文士羞澀心腸當刀民熟便滑口持喚審時只出耳聽其情未必能得須吩咐原被不許開口待將

詞訟精節年月或於中間插問一二句或於當中頭尾反折一二句欲問牛先問馬欲問趙甲先問錢乙欲順問先倒問不問不言有問方答總之欲易他准備之語吐他真實之詞蒼政摘要

卷下

十五

廣仁堂

如此錯綜參互或用威嚇或用婉探推之以情決之以理市井小民技倆有幾能當官弄哉知此法天下無不可決之訟亦無不可得之情所謂真情假不得假情真不得也按詞訟情偽喫緊冤察多在年月日時上仔細查之思之即可得其十之七八勿忽

問事不必遲疑太過亦不必太恃聰明尤不可粗心浮氣凡小事無大關係可數言而決若優游不斷使人終日伺候則官之材力可知又人情不甚相遠卽聰明過人凡事止能了其大意其中委曲安能一一知之且天下有理外之事一一以意見拂歷失之遠矣又如趙甲告錢乙田土事又誣之打

捨事虛即並其田土不問可乎此粗浮之過也

憇不遜

招擬之誤招不離審審不離情情者人犯而直之情也審者問官口詞審語也招者招書據問官口詞衍之而爲犯人自招之語如一問得某某不合之類是也上司駁聞多係招詞與審語矛盾書手得錢或將年月以後改前以前改後情節

以輕改重以重改輕字句之間動開顛倒官府一時不察輒

令謄寫上司見之前後參差如何不駁故凡審語既定須令招書照依審語節節衍長雖文可衍而意則不可改故曰招不離審也聽審人犯其理或曲或直其罪或輕或重其情或大或小其故或明白敗露或跡不可見而理則可知所謂情

莅政摘要

卷下

十六 廣仁堂

也問官聽詭葉已得情而或下筆不達或尙未得情而輒爾

臆寫此等矛盾之處所謂審離情也官府審語須一一將犯人情狀描寫如畫方可謂審不離情然有司知之既要合律

又要原情則不但審不離情而尤妙於移情就律若情不移則律不合圖士皆死囚矣至於移情最妙之處又不但移犯

人之情而且移閱者之情就我作者之情文章至此一字一思一句一巧所謂智識兼精仁者苦心方得毒心拙筆及不耐煩人不可諳此陰陽解綱之道也 招書呈招稿進衙仔細參互細改如審語當堂未當不妨並改總之以停當精細

爲主

愚民對理不得意於官多出不遜語其凶悖之狀初聽殊可駭久之知爲常事也此可笑談聽過切不可動氣若動氣而言者不已則立難救下可憫也

出入准法

問事衡情自有一定之法非可以意見出入也有少年好奇士人出我入我入我出亦有專主出專主入者夫專主入酷吏也人皆知不可惟專主出者或多喜其解網不知禁伏凶人所以保全善類也語曰民之多幸國之不幸惡人可使幸免乎

莅政摘要

卷下

十七 廣仁堂

平心思氣

問事絕不可有成心又不可直拗到底如其人素惡所犯者輕即從輕問若以平日不善遂羅織成罪惡罪未必成奸人反得以假口且使上之人以我輩不諳事體也

居官第一須知

州縣不作風波卽有大事亦安妥簡靜與小民處置又凡事詳慎使人知勝負在理方是父母之心方爲百姓省事若一毫事便求之過急或使情任性頗倒是非不論有理與否禍福俱不可知則人且畏我如虎卽有理者亦多方貿然抵死不敢見官衙門諸人無一不飽其欲者卽小事亦能破人之

家矣積怨敗名蓋始於此

人命

人命行財卽賣固也然亦不可執一小人無知見彼家人死便倉猝不知所出而棍徒搬弄彼小心淺見者希圖了事誰

知告者執此爲左參乎故人命但求真傷行財非所論也

按刁點之民遇官府好察多原告之家扮作被告之人行賄使官府之辦聞者官府不肖則原告扮作被告欲賄之狀

又竟不賄以激怒官府者在廉官只聽之惟細審真傷可耳接疑難人命初不可信中證一面之詞蓋中證多係質求又有親識死黨一聽其言生死俱冤又不必差人採訪致起奸

盜政摘要

卷下

十八

廣仁堂

弊但忽至原日相敵地方鄰佑老弱皆目擊者細審數人眞偽立見

虛心曲辨

問理人命切不可忌嫌受囑及執定成案如當家人命其事若假不妨開豁若從重擬雖違瓜李却一其人斃獄亦何詞以謝之我無晝夜之事人自不以此相疑若聽人之囑輒入人死天理人心必有報應囑不止鄉官明官亦是至原問擬死上司已允若我實見得非慎毋曰恐傷上司同僚之心但曰姑待來者使來者亦云此因終無生理矣但須委曲不重傷原問者之心乃有濟也

平心

問官太不重人命則勢豪以人命爲兒戲太重人命則刀民以人命爲奇貨只須平心問理真者償僞者出全虛者反坐乃不滋弊

盜政摘要

卷下

十九

廣仁堂

明嘉善令李公譯陳玉內篇

察姦

凡設兩端以待上擇者難我也言利者傾我也言泛泛而無指歸者當我也無故而陳說者疑我也有弊將發也先責後而徐及他事者誑行也稱功誦德有所求也無事不至而有事至者混也坐事不稟而罷衙稟者懶也屢呼不至有所怯也無故求假者有所避也業批發而不索賄也行而不速結者得賄也求承者利也推承者害也名陳請者爭利也錢穀支發不卽登記者混數也經承催給至再至三者目領分乾也眉曰相語朋侵也支給既畢踰期稟復者分乾未勻欲在政摘要

卷下

二十

廣仁堂

相首也呼舊冊舊卷不至者情得也不呼而陳送者挾同也與守避者捕滅也錢穀之數不書總者乾沒也冊籍首壞者隱額也尾壞者隕收也巾縫之印濃淡半者換葉也開列繁難者支吾也躡足附耳朋奸也無故而數往還者有所急也驟呼面赤者虛也語言支離虧也偷視疑也去速懼究也無故而告退者有所負也事無甚急上機踵至本管之胥交通上房也勾攝求着落者詐也踰期不稟復者詐未鑿也非正犯而帶赴者詐未得也捕盜而捕人數仰視者誣良也結繫陳說朋比也正身不至而代者至逃責也班後立探也班前立市也無故而常行左右者指射巧諂也無故而且稟者指

射巧諂也非其差而妄慕者呈身也屢呈身者暗許多而不壓也差而不願行者苦也不願行而不敢明言者勢也白眼反上叛人也瘦高尖頤好背議人者也深目反唇狠也斃間不答深也屢回顧者惡也冷視者偷也面慚惶者有宿事也漫問卽答未便先戒終無成人也沈面低目語言顛綴酒徒也衣輕手疾博徒也聞事方來無事弗至老猾也此門內之情也乘公出夜半而投牒者詐也日中堂上不投而門外投者姦也呼而不應者匿名也無故而條呈者挾騙也哭而不哀者僞也低視者有所思也視掌者記也答與牒不符者僞也視旁人者有唆也左右視者虛也問而不言計也言而益政摘要

卷下

二十一

廣仁堂

不能盡舛也述往事者借題也述瑣事者支離也援例者哄也喇喇不休才也大聲高步者有所恃也貢舉者騙也叩頭者情得也閉而不答堅也目上而煩橫憚也目小而流視者不盜也大而聲疾者大盜也哭書錦密偽券也手契一律偽押也箇事騙也告落告也聲如叫曲方棍也倉卒投者混判也請銷者畏也求改服者有所布置也求問某証者其至唆也告犯而與所告者同辭故相悖也不至者懼得情也干証身家者不至理短也俱不至者敵有勢也臨審勾役避者賄也屢問數人參差不一有他故也告者一端訴者一端兩相矛盾有隱情也無故而彌縫者破綻也無故而道生平者款

也目斜視口蹀言者淫也審事而有發覺者同室賈謀也夫不告而他人告者姑姦也兩各有辨者竊也兩造一情而一人不同情者摶告也貌懼而神不忤株連也無人之地忽有行跡將偷也夜有人數聚者大盜將行也蜚語者姦欲寢所行也冠服冒見乘止矜誘者沐猴也怯而難言者姦情漏也綿縫週匝有蓋去有收結者偽札也交接之場泛泛營也切切激也比仙事而爲言者諷也言不盡者隱也一語之出必左右視其笑者謾也其不笑者愧也謂他人言巧也顛詞反設謑也此又向外之情也

憲隱

卷下

三

廣仁堂

凡婢質既屈顏色無愧有言弗言欲言不果者辭屈也非理屈也不可不察也凡兩造既備兩事既明兩証既剖而嘆息之聲不知不覺忽有所言與牘不符者牘之所爭其舊名也事舜之本不在此也不可不察也兩造告息居中之人禁勿發聲乞勿推究者有大故也懼問而情得也不可不察也凡伏地審視視端領直欲言弗言言而弗盡者有勢劫也不可不察也繫冤極苦官法未伸而求止者法未行而民敝也行不可必救求止也不可不察也大獄在身多告苦而少展辨者非其罪也大獄在身不告苦而隨問客酬者知罪不可脫而安之若命也羨嫉告苦而辭簡氣直不瑣不倣罪不當而

聽決不決也不可不察也判罪而去若有言者斷未盡也嘵息而去聲自中發亦不自主旋問而面赤者枉斷也不可不察也父告子不孝無大罪而深文以致之者辨而問其過疑而似有後母也夫告不孝者必問幾妻問幾子妻存與否續與否兄弟幾何爲同母乎異母乎爲分而居乎合而食乎不可不察也母告子不孝無父而父子欲辨而不出口者有後姦也里鄰彌縫若有諱者姦狀也不可不察也凡氣悍而橫言辨而每自反不忍敵欺也折之三訟之三匪終健而若有所哀者理雖曲有至情也不可不察也招案宿定情節綿密然發覺無因証佐僉同無因而覺必有告者僉同無少異

憲政摘要 卷下

三

廣仁堂

必有商者此椿陷也不可不察也抱贓出首言語閃爍者買出以傾陷也出首之辭精堅密緻彼此互攻首者卒不可駁預設機以反誣也不可不察也坐殺人而本屍未具坐刲財而本贓未獲非眞賊也不可不察也屍具而老幼男女不符贓獲而是其家物非眞賊也不可不察也同招並案與賊怨惡者非其事也株連也不可不察也其失單而有姓名者仇讐僕也告僕人爲盜無贓証而罪案立者姦情也償錢米於獄爲獄卒擒報者非盜黨也懼其誣供約以期而領之盜授指也不可不察也非姦所獲婦夫同辭婦不獲姦有所賴也不可不察也殺人無主則脣斬趾抉腸解體姦也殺人無主

中情獨多中領中應用刃無忌盜也不可不察也凡賊獲其

家本犯不知家婦不知而捕人屢指失主屢証者非盜而誣  
賊也懷挾密置也不可不察也衆謂可殺挾辭雷同反覆遂  
詰不出數語數語已畢了無可說事或莫須破毀積惡益俗

貪誘不可不察也小家卑諱大家惡之貧人骯髒富人挫之

東議似公清議而詭平議反偏大議而細不可不察也出行

而道傍有同立之色將有告也欲告趙趙有所畏也左右徒

隸噦噦辟人朋比爲姦異有所訴也不可不察也道間哭聲

而哀有大患也見踉蹌趨走有急事也入門無應衣裳顛倒

有大難也公堂雜沓白日駢闊一人擁睡低吟數喚而驚起

者有隱憂也不可不察也凡寡嫗幼稚其聲啞啞垂髫龍鍾

貧難蹇澀道理不成字句莫辨皆有大故情難曉白不可不

察也凡大寒大熱大飢大勞甚病甚瘡爲尊爲親卽有譴訶

可以無及性命寄於呼吸榮辱連乎生死不可不察也凡新

婚新子新役新里居新遷病新起卽有譴訶不宜驟加楚人

好鬼越人奸穢加兩而墜去錄而輕不可不察也夫至情在

色至真傳聲聲色之際毫不可作循聲探色物無遁者啼笑

得而沛也故爲政者不可不察也

## 獄訟

凡聽訟之法虛氣怡神好惡勿定先入勿膠成見勿執湛然  
空明專其事本而已矣何爲事本民之無情相怨一方始於  
觴酒豆肉而其後遂及於婚姻土田張之使大謬之使奇勿

與大勿與奇奇大者柔而小之奇者夷而平之被斷狂流

提厥真心貴乎善教而與感也善教云何平怨之氣達於顏

面揭於肺腑與父言慈與子言孝與兄弟言恭友與姻族言

敦睦與鄉黨鄰里皆忠恕春風之風春雨之雨能拂其隱善

躍其情無不和矣無不解矣詩曰教誨匪怒此之謂也若乃

情有詭激理分彼此辭聽既窮兼聽貌色貌聽者端陂樸巧

莅政摘要

卷下

三五 廣仁堂

不能藏也色聽者人無不至天不容偽忽然而嘗猶皇亂懼

色易動也夫聽察之妙在乎忽然避其所工而考其所拙畧

其所密而詳其所疎擊痛則棒者股手搔癢則靜者欲躁案

牘之外別有勾推因牛而或及馬見影而可知形故本事不

問而或及他事者有之要人不問而或及他人者有之疾雷

破山不及謀也大火入室不及掩也凡人之情積日夜以待

對薄智者與之計辨者與之較不計不較之處而戎索入焉

則智者抽而辨者訥然後可以得情矣事龐雜而難決者左  
右之證不憚數問一人之間不憚數巡參互多則至是出矣

一偏之說不可欺矣聲始謀主佐關起波而姓名不在案內

造之期必在門外倉卒之呼可以得之兩造之人執辭成城而不可方物也則執事外一人以鞠之曠日更期博訪密詢雖有隱伏獲不破矣人非詞內數立門外更期迭審風雨夜半而必在者其人必詞內之禍始也不可不究也盜情易迷一不察則良民枉富民破姦民飽矣盜之與良不待徵辭鑑貌辨色物無混者則前三聽其兼用者也凡盜自振者非仇則富參差倒間出其不意則真僞立分凡通盜振者盜無由知其年貌審其親屬啟處之常難於衆人之中呼使識之識非其人盜誣矣引貌類者呼使識之識誤其人盜誣矣雜引數人呼使識之識非其人盜誣矣卽識其人親屬啟處間而

莅政摘要

卷下

三十六

廣仁堂

不復盜誣矣至要之理在乎辨色至要之機在乎屈許色辨於無意詐屈於有心無意在人在者如烏鵲易分有心在我在我者如鬼神莫測辨誣既明立相釋也無再保候保候則詐者遂官斂怨而姦居功矣立釋則計窮計窮則姦民不飽姦民不飽則獄訟衰息而桑麻無擾矣究盜者必究窩治盜者必治捕窩者盜之外主也捕者盜之內主也外主不得則幹旋者有力而黨與難搜內主不嚴則猶護鼠而有窟穴之固故盜無主名則治捕治捕不恕盜斯獲矣盜有主名則治窩治窩不恕盜斯獲矣故夫治窩與捕者治盜之多悞也未成之獄貴乎隔越既成之獄貴乎初情而疑獄有三有殺

人劫盜無主名者有主名而無確証者有殺人劫盜主名既得而無本屍本贓者無主名者平昔仇怨爲之或未拘而逃者是或並拘而愧懼者是其非仇如則或利財抑偶傷耳巧思在乎設機異其聞見則姦人疑惑聲息必漏故鞭石芽夢以獲盜財之人摸鍾留刀而知殺命之客從容博訪猶不策也有主名而無確証者卽其彌縫得其破綻入門而呼娘子知房內之無夫認兒而曰張翁豈四十以邀老片言之折此爲當矣若乃一物兩認同羣並置申乙莫辨疑似難明察其憂喜之情當以得失之路兩婦爭子置之雨中二士持繩驗於分半鐵屑雞豆治譖神於忘言市棺治喪姦狀得於所

莅政摘要

卷下

三十七

廣仁堂

跡無証而有確証知人性之難僞矣主名既得而無本屍本贓者非係誣服則堅熬也誣服者應姑置而別求堅熬者宜停刑以計得故差訪女奴而富民之獄活龜指少年而墮僧之辟除計出井中之屍情得藏內之錢恃有深心不特嚴刑也了此三疑獄訟過半矣雖然非其本也孔子曰聽訟吾猶人也必也使無訟乎夫無訟者尙教化教化非一日之故也積漸而無草昧於省省差省省督省錢一切俱省乃底於平勾攝之役四出如虎民永得直則先得據故省差所以防擾也本里本告惟所遣之役內內之役自平去賜張矣省符者告訴而外續有所投皆附原牒無妄與票行則民常不擾

奏持法既平事怒無過先省贖鑑次省鞭笞小事聽其去來大事速爲判結案無遞留獄無反覆則請託無所干錄胥無所市姦僞無所利而民之力當寬矣曹參曰慎無擾獄市獄者姦人之藪也吏道清淨姦人無苦激大致嚴謹小節寬慈嚴謹則早暮有節動靜有防審達不測貳於夢寐莫敢有逸志寬慈則刑憲戢陽疾病有恤飢渴有軫久安長處而人無變志也夫商周之湯武命所繫興求出也無甯勿輕人與求生也無甯勿判死此以盡地刻木古人興歌於明允致戒於欽恤與

## 知人

儀政摘要

卷下

三

廣仁堂

知人之明不可以學而知人之方可以自益愛士而不能別士將驥驥與凡難並進蕭何與蘭蕙分榮是奚可哉故視端行直靜氣流溢知爲內脩而有至恭儉莊恪進退不苟知爲好禮而敦良重厚安詳視聽無駭知爲大器而可任言辭則急顧盼雋冷知爲介介而寡容其色無愧其詞若誦簡而理盡知爲樸厚而少文衣履肅潔應對雅麗知爲誠全而務實論言有根據道古精該知爲博洽而好學煦面憂色吐辭常屈知爲奮發而改過譽之尚亦規之色喜知爲誠全而務實論議英發聲色圭棱知爲好脩而便氣少年傑特領致老成有若性夙知爲早發才多未精學博無玉體無賤骨貌有寒色

知爲晚達言辭秀張矢口自譽知爲淺陋動引程朱驕詭許客氣滿胸浮言蓋紙徒占地位知爲僞學趾高氣揚目上頗橫知爲躁達尊已卑人黨同伐異知爲痼習目左右視知爲閃爍目視常直手常戲張知爲褊狹是非顛倒好惡頗僻常與衆異知爲偏私華而不實激而不中矯而不安知爲意見學無主腦言有編排小巧易伸大辨則窮知爲依傍好爲附語數致落函知爲姦貪有韻雖傷聲色不涪知爲儻僻旅進旅退數句數見知爲無厭小拂易嗔大德易忘知爲浮薄言尙游移情多詭秘使人易喜而無可怒知爲巧滑長喙尖眉面是背非知爲猥薄長才可驅小事多激知爲無用學無

儀政摘要

卷下

三

廣仁堂

專業業無一精知爲無成衣裳不整容降鮮度知爲俚賤問而失應心有別思知爲多營貌不自重乞可借人聞聲則先不思而語知爲輕佻夫士之大致要歸有用用微於福祿徵於表裏生於心心以看表裏以觀福祿以驗用心之輕微質關於學絲學力之淺深驗心力之清駁絲心力之清駁驗福力之輕重故上之可材者常不失半也內鑑精明下士却走

有蛟龍之文著定有興雲致雨之材有鼎彝樽罍雲雷金石之文者定有皇帝格祖清廟明堂之材有典有則既和既雅君子人也筆能隨意色潤骨不雕琢而輪不脂澤而肥峩

繕時起結構安舒李成之畫山脚潤而有後難輸之文有首

有尾豈不公卿若懷萬寶而慕惠若具萬財而潔齊賢氣多怒氣少富貴人也字有根據皆玄逸更料集於筆端異氣勝於紙上博古人也無首無尾毗毗怒悲氣多和氣少驟人也微潔琢削中纏中墨鏗帶刺而常急語雖蠶而彌冷怒氣多喜氣少刻削人也結構巧思詳人所忽活人所板有歸著有下手坐而言起而可行功業人也氣吞五嶽揮灑夷猶似喜匪喜似怒匪怒豪傑人也不可苟不可字文以艱深取而譯之實無至理怪僻人也高下長短濃淡奇平隨時尚以變徵宮因王者而更等瑟胸無本領伎雖精工無骨人也

蒞政摘要

卷下

三十

廣仁堂

以枯淡爲復古以規摹爲大家矯激人也若夫言不達意色不華骨極力追尋而喀咯不能出重董掩蔽知爲淹抑不達作手自佳凑手實難官厨無料屋錢無索尙有所需知爲晚達浮藻空華苦無結實意單氣薄遇盡而止色無蒼勁聲匯丹田知爲雄遠而易凋零軟熟爲美有韻無鋒知爲利達而少亮節聲色雖張肌理不潤知爲草野不登明堂小試則勇大試則拙前爲勁兵後爲強弩知爲小材於大無濟論身氣弱骨肉停知爲必濟隨時苟且凡此數端不可殫舉畧舉一二而相土之法無遁情矣

治河要略序

山陰劉士林

天下水勢之至大者曰江曰河曰淮曰濟水源之至遠者河爲最江次之淮又次之濟又次之以其不與他水會而獨歸於海故曰四瀆四瀆之水人咸享其利而亦恒受其害害之最大者莫如黃河黃河之爲中國患自古記之矣昔唐堯之世洪水橫流泛濫於天下者九載使禹治之禹乃爲之別九州通九道陂九澤度九山引河東北而浮之海然後水患盡去地平天成中國可得而食也是時頌禹德者惟知爲一時治水之功不知萬世治河之良法無過於此矣愚嘗按河圖河水發源秦甘肅西鄙有泉百餘処自地湧出若列星然故蒞政摘要卷下三十廣仁堂名星宿海自星宿海而來匯爲二巨澤二澤相去四百二十里又行三四日至九渡河分爲九派水甚清淺可涉而渡九河合一水色始黃自九渡河復行三千里乃至崑崙之南此處河勢尚不甚大即之土人拖革囊可騎過之河之兩旁多高山大陵遞相夾抱其山高峻非常綿亘八百餘里河隨山足東行至於積石爲禹貢導河處其地有歸德州至此始有城垣有兵士守之屬吐番宣慰司自歸德至西寧衛四百里自西甯至河州三百里始入中國過蘭州旁金城其間則有大沙灘鳴沙嶺在焉歷甯夏逕平虜之北經豐州之西兩山夾之名青銅峽河水貫峽而行出峽口向東北轉流靼靼地

行八百餘里過高闕滻榆林套朔方歷受降經雲中注五老東勝之墟與神水黑河相合而南行有太子娘娘二灘在河中流至偏頭黃甫之間山名壺口禹乃疏鑿以通河謂之龍門自龍門而南下注於河津有汾水合於河之東涇澇二水合於河之西澇演開之足觸華山之陰遼蒲州而東行至閻鄉循首陽東至於中條南至於靈寶北至於平陸下陝州卽周公分天下爲左右處其間則有砥柱石屹立河中禹鑿三門曰神門人門鬼門水由三門而出三門之外白石嶺巖水勢湍激波濤洶湧迴而爲七津山上有禹廟存焉蓋因神禹導山通河故爲立祠以報其功德來岸高山河行其中下至

蓋政摘要 卷下 三 廣仁堂

河池春秋時諸侯會盟處至新安項羽抗秦兵處再下而爲洛陽周公營洛邑處澗澇二水合焉至溫縣至孟津武王觀兵渡河處此處兩岸俱無山山盡矣其在洛陽者卽有北邙山亦僅僅障南岸北岸殊無山至武陟濟水沁水會於河之北伊水洛水會於河之南河勢始盛大難堵禦過虎牢又有汜水者合之河益無賴其在河陰雖有廣武敖山然亦僅在南岸北岸又無山俱不能夾束以故河流至武陟則泛濫而沛決河之沖決自此始也南決廣武之間則通京索冒鴻溝皆楚漢交爭之地平原曠野一瀉千里則自河以南淮以北成巨津矣北決陽武延津之地則犯內黃沛開濮而大名東

昌悉受其害矣自古以來黃河由長垣東明之間合漳衛而至天津下碣石入於海不爲中國之害後改河於南引沁於衛而南北分矣後又截沁衛之流引沁於黃借以沖沙則惟漳衛入北而沁黃咸歸南矣故於沁水北岸自高村而大樊太原金疙瘩木欒店紅荊口小原寺築隄防禦重重堵塞惟恐隄決而水合衛也又自小原寺沁黃交會之處接築縷隄以至原武延津中興陳橋曹單城武直抵徐州北岸鎮口開而止又自古陽大道築遯隄截沁流塞蓮花之口從原武延津城北長垣東明城南塞雙河之口以斷大小清河歸海之路又從蔡家口陁隆莊城武豐沛之間直抵飛雲橋而止南

蓋政摘要 卷下 三 廣仁堂

摩自河陰之廢武山從鴻溝榮澤孫家渡劉歌醫及開封之免伯岡趙皮塞丁家道劉家河築至徐州而止此漕黃交會之處又自徐州山茶城鎮口而下南岸有洞山九里雲龍諸山北岸則有子房山夾河入徐故徐州但有泛漲而無潰漢籍山爲隄水難猶蹶故徐州者其真黃河之喉吭乎河出徐州過清涼寺其在南岸尙有半戈羊山以當之北岸又無山故河流不向南而向北直北趨下決爲距山連莊蘆塘落馬黃墩周柳諸河其河皆在邳境故邳州獨受其害河於此處普泛溢亦以北岸無山夾束故也邳州山落蘆湖至古城中間凡九曲古城至清河甚近過清河則爲淮黃交會之路

淮黃合而出安東下雲梯入於大海至是而河淮之事畢矣夫河之初出澗開而入河南也數數爲地方患所在地方畏其沖決亦時時以塞決殺流築壩建壩爲事故其隄上自木

繩店下至廟道口有繩有礁有月有格蜿蜒數千百里屈曲

重複極其周備蓋因河勢洶湧地不能與水爭利故避虛就

實築土平原爲助岸以夾河身防其暴漲潰決也又以河水

澆滌橫沖力能敗岸則用捲掃貼岸以當抵其勢又於隄上

築閘開涵以宣泄其怒創減水壩以分殺其威以爲決口不

塞則內地漫淤急流不殺則泛溢愈甚是隄埽不得不爲之所也逮限之又不能遏堵之又不能殺決者自洪沖者自沖

卷下

三十四

廣仁堂

於是謀治河者又以隄埽爲無益於沖決將欲舍隄埽不用而議開支河矣議開老黃河故道矣議開新河濟運矣議開交萊河復通海運矣復有爲淮安計者欲浚草灣開王家營大壩以分河入海不令直犯淮城此皆計之左者也夫國家自會通告成以來借河入運雖得其力亦受其害不然彼河自爲河淮自爲淮漕自爲漕不相混亂何能爲害惟其爲運道計黃欲借淮以刷沙漕欲借黃以入海三者合一互相爲用所以互相爲害水勢汪洋不能堵禦自有沖決之患河之在梁宋也地皆浮沙既無堅山石壁爲之障又無深淵大藪爲之蓄不得不講求隄埽經營捲掃河之役不常集民不大勞國不大費帑畿內之田什一而賦卽以

在徐邳雖無山陵夾束尙有諸河蓄水又去海口漸近海日可濬河身可疏又得淮水冲刷則淤沙日去海口日澗而日

深又有隄埽爲之障水無旁溢安行地中順流直奔且高堰增築擋水歸黃歸江又築黃不穿泗如此則河可以永無患矣而今復有沖決歲費帑金日募夫役東築西防曾無息局

之日何也蓋以不得實心謀事之人無高識特達之見無忠

君惜民之念無廉潔之清操無善後之長策所以河患亘千

古而不能除也今欲工程之告竣脫民於昏華使責淮安流而不沖決必當擇廉潔才能老成持重不愛錢不辭勞不避

怨不喜奉承忠君惜民之大臣以總理其事更選地方之賢

而不沖決必當擇廉潔才能老成持重不愛錢不辭勞不避

怨不喜奉承忠君惜民之大臣以總理其事更選地方之賢

卷下

三十五

廣仁堂

有司以分任其職既無虛假亦無間斷庶幾可望功效之有成余因設爲上中下三策治河之法其上者度其形勢相其原隰測其高下盡北方之地開作水田百畝成墳四面啟溝蓄水通流河之兩旁穴隄建閘視時啟閉引江淮河漢之水納之溝中以灌漑民田寸寸而分之步步而散之水勢衰弱自無沖決并令種田之民春夏務農秋冬培隄卽偶有坍塌隨即墮補各就其所種之田以脩其旁田之隄不勞官吏不費帑金如有沖決已甚民力難支然後令有司勘驗酌質估費限時請帑脩築如有過期不完者議罪如是而隄不常冲

其所賦者抵東南之米粟納之藏廩而有餘可無事於運漕以罷敝東南之民力東南之粟易價輸京不煩遠載此法行則疇關野無曠土粟米充民皆厚積賦稅多可議薄歛輒輸近可省運費徭役輕可養民力是一舉而諸善畢集且也河不借淮漕不借河淮不含黃河自爲河淮自爲淮漕自爲漕歸江歸海各有源委不相混亂河定民安千載無患此上策也其次則自武陟河陰而下徐沛以上堅築緩隄以束水遠築遼隄以防決多穿河渠多建閘壩啟閉節宣放水四達分殺其勢使不至於湍激尋虛潰決徐沛以下直抵海口堵塞澗險防堅實毋分支流併力進奔自難停滯夫上流

蓋政摘要 卷下

三

廣仁堂

既分則勢緩力弱下流歸井則勢急力強緩則不決急則不淤且高壘築而全淮會合則河弱淮強淮能敵黃沙隨水去底深日濶直濶無餘此所謂以河子淮以淮子河而兼以河淮子海更以河淮子漕水流通暢運漕無阻國計民生亦稱安利此中策也若夫繪完舊隄增界培薄東沖補東西決塞西不知歲月無窮築難盡高者愈卑河高出岸隄高觸天歲耗帑金百萬以擲無底之深淵使財賦殲於畚築人命懸於洪波國計未必利民生未必安此最下策也今之治河稱才望者亦不過行其下策耳況并下策而不能行者臨流泣嘆一籌莫展故余特爲纂輯脩治之法凡十卷名

蓋政摘要 卷下

三

廣仁堂

故次之以河決考古今之議論不同世人之意見不一貪廉殊遂成敗異致布在方策可成可師故次之以治河豈議并載潘公奏革河議辯惑徐疏參駁擇其可者而用之其不可者則置之然後備陳余一已之私說曰疏濬管見以就正於四方明達君子要詳列其險要使任事者知所防範復載之以脩守事宜使用工者有所持循并及勾股測量法可以知高深廣遠之數後之治河者可無事別求按籍而行之可也然而壞事者不可不戒貪污者不可不懲故以禁例終焉治河者果能得余說而行之則功效之成可屈指而定矣

當湖陸曉其政暇補過讀



先清獻公學貫天人道承閩洛凡闡明性理羽翼經傳之書久已刊布海內矣茲政摘要抄本二冊皆公平日摘取前人嘉言懿行有裨國計民生者手集成帙卷末署當湖陸某政暇補過讀世無刊本靈家藏已久不敢珍秘謹付剞劂使天下後世知公一生進思盡忠退思補過之心若是其快愜焉

荅政摘要

卷下

手稿

廣仁堂

道光十九年八月朔長水支裔孫廣仁堂謹識

荅政摘要卷下終

王田士彌勸校

西漢書卷之三

三

西漢書卷之三

不以爲然

或朱雲謂成公亮曰

子房與蕭何皆

自謂功列漢室

大將軍功列漢室

大將軍功列漢室

大將軍功列漢室

大將軍功列漢室